

Ollscoil na hÉireann
National University of Ireland

2017 agus 2018

Rialacha Cláraithe OÉ





OLLSCOIL NA hÉIREANN
National University of Ireland

RIALACHA CLÁRAITHE

2017 agus 2018

49 Cearnóg Mhuirfean, Baile Átha Cliath 2
T: (+353 1) 439 2424; F: (+353 1) 439 2466
registrar@nui.ie; www.nui.ie

Leasú ar Rialacha Cláraithe OÉ 2017-2018 (Roinn 4.2, Leathanach 13)

4.2 Caighdeán riachtanach

(i) Scrúdú na hArdteistiméireachta ó 2017 amach

Caithfidh iarrthóirí pas a fháil i sé ábhar ar a laghad roghnaithe de réir riachtanais an choláiste/na dáimhe, mar a leagtar síos i 4.1, le Grád H5 ar a laghad in dhá ábhar ar an Ardleibhéal agus Grád H7 (Ardleibhéal) nó O6 (Gnáthleibhéal) ar a laghad (Gnáthleibhéal nó Ardleibhéal) i gceithre ábhar.

(ii) Scrúdú na hArdteistiméireachta roimh 2017

Caithfidh iarrthóirí pas a bheith faighte acu i sé ábhar ar a laghad roghnaithe de réir riachtanais an choláiste/na dáimhe, mar a leagtar síos i 4.1, le Grád D1 ar a laghad in dhá ábhar ar an Ardleibhéal agus Grád E (Ardleibhéal) nó Grád D3 (Gnáthleibhéal) ar a laghad i gceithre ábhar.

Leasú ar Rialacha Cláraithe OÉ 2018 (Roinn 4.1, Leathanach 12)

Tabhair faoi deara an leasú/an t-athrú seo a leanas a thiocfadh i bhfeidhm sa bhliain 2018.

Don Bhaitsiléir Ealaíon san Eacnamaíocht, COBÁC, beidh Matamaitic riachtanach ach ní bheidh gá leis an Tríú Teanga le hiontráil.

NA COMH-OLLSCOILEANNA
NUI Constituent Universities

An Coláiste Ollscoile, Baile Átha Cliath
University College Dublin
Fón: (+353 1) 716 7777 Gréasán: www.ucd.ie

Coláiste na hOllscoile, Corcaigh
University College Cork
Fón: (+353 21) 490 3000 / 427 6871 Gréasán: www.ucc.ie

Ollscoil na hÉireann, Gaillimh
National University of Ireland, Galway
Fón: (+353 91) 524 411 Gréasán: www.oegaillimh.ie

Ollscoil Mhá Nuad
Maynooth University
Fón: (+353 1) 708 6000 Gréasán: www.maynoothuniversity.ie

BAILL EILE d'OLLSCOIL NA hÉIREANN
Other NUI Member Institutions

NA COLÁISTÍ AITHEANTA
Recognised Colleges

Coláiste Ríoga na Máinleá in Éirinn
Royal College of Surgeons in Ireland
Fón: (+353 1) 402 2100 Gréasán: www.rcsi.ie

Uiversity
Fón: (+353 1) 687 5999 Gréasán: www.uiversity.org

COLÁISTÍ CEANGAILTE LEIS NA COMH-OLLSCOILEANNA
Colleges Linked With Constituent Universities

Coláiste Ósta na Sionna
Shannon College of Hotel Management
anois in a Scoil sa Choláiste Gnó, Polasaí Poiblí, agus Dlí in OÉ Gaillimh
Fón: (+353 61) 712 210 Gréasán: www.shannoncollege.com

Coláiste Náisiúnta Ealaíne is Deartha
National College of Art and Design, Dublin
Fón: (+353 1) 636 4200 Gréasán: www.ncad.ie

An Foras Riaracháin
Institute of Public Administration
Fón: (+353 1) 240 3600 Gréasán: www.ipa.ie

Coláiste San Aingeal, Sligeach
St. Angela's College, Sligo
Fón: (+353 71) 914 3580 Gréasán: www.stangelas.nuigalway.ie

Coláiste Ealaíne na Bóine
Burren College of Art
Fón: (+353 65) 707 7200 Gréasán: www.burrencollege.ie

CLÁR NA NÁBHAR

Roinn

Leathanach

1	Ollscoil na hÉireann (OÉ/NUI)	7
2	Dámha/Coláistí na gComh-Ollscoileanna, na gColáistí Aitheanta agus na gColáistí ceangailte leis na gComh-Ollscoileanna	8
3	Scrúduithe agus ábhair a nglactar leo do chúiseanna clárúcháin máithreánaigh	9
4	Riachtanais máithreánaigh Dáimhe/Choláiste (Riachtanais iontrála fósta)	11
5	Riachtanas na Gaeilge	15
6	Riachtanas na Tríú Teanga	18
7	Riachtanas an Bhéarla áit nach é an Béarla an Chéad Teanga	21
8	Máithreánach d'iarrthóirí faoi lagú éisteachta	23
9	Máithreánach ar Bhlianta Aibí	23
10	Máithreánach ar chríochnú Chúrsa Rochtana OÉ	23
11	Máithreánach do shealbhóirí cháilíochtaí Dhearbhú Cáilíochta agus Cáilíochtaí Éireann (QQI)	24
12	Eolas don Lár-Oifig Iontrála (CAO)	24
13	Aguisín 1: Cáilíochtaí Eorpacha agus Idirnáisiúnta a ghhlactar don Máithreánach	24
14	Aguisín 2: Eolas ar Riachtanais Mháithreacháin OÉ do shealbhóirí cáilíochtaí an Aontais Eorpaigh agus an Dioplóma idirnáisiúnta	24

OLLSCOIL NA HÉIREANN

National University of Ireland

Bunaíodh Ollscoil na hÉireann faoi Acht Ollscoileanna na hÉireann, 1908. Athstruchtúradh í faoi Acht na nOllscoileanna, 1997, agus anois tá ceithre Chomh-Ollscoil inti, maraon le dhá Coláistí Aitheanta agus Coláistí áirithe eile atá ceangailte leis na Comh-Ollscoileanna.

1.1 Comh-Ollscoileanna OÉ

An Coláiste Ollscoile, Baile Átha Cliath
Coláiste na hOllscoile, Corcaigh
Ollscoil na hÉireann, Gaillimh
Ollscoil Mhá Nuad

1.2 Coláistí Aitheanta OÉ

Coláiste Ríoga na Máinleá in Éirinn
University

1.3 Coláistí Ceangailte Leis Na Comh-Ollscoileanna

Coláiste Ealaíne na Bóine
Coláiste Náisiúnta Ealaíne is Deartha
An Foras Riaracháin
Coláiste Ósta na Sionna (anois ina Scoil sa Choláiste Gnó, Polasaí Poiblí, agus Dlí, in OÉ Gaillimh)
Coláiste San Aingeal, Sligeach.

1.4 Aois ag Iontráil i gComh-Ollscoil, Coláiste Aitheanta nó Coláiste ceangailte le Comh-Ollscoil

De ghnáth caithfidh aois a seacht mbliana déag a bheith sroichte ag mic léinn faoin 15 Eanáir i ndiaidh dul isteach i gComh-Ollscoil, Coláiste Aitheanta nó Coláiste ceangailte le Comh-Ollscoil de chuid na hOllscoile dóibh. Nuair atá iarrthóir faoin aois sin ag iarraidh dul isteach i nInstitiúid de chuid Ollscoil na hÉireann, caithfear iarratas ar leith a dhéanamh d'Uachtarán/Stiúrthóir na hInstitiúide atá i gceist.

1.5 Srian ar Iontráil do Dhámha

Ó tharla go bhfuil cead isteach iomaíoch ann do thromlach na nDámh sna Comh-Ollscoileanna, Coláistí Aitheanta nó Coláistí ceangailte leis na Comh-Ollscoileanna, ba chóir d'iarrthóirí cóip de na riachtanais agus gnásanna iontrála a fháil ó Chláraitheoir an Choláiste atá i gceist. Ní hionann riachtanais íosta do Mháithreánach a chomhlíonadh agus a chinntiú go nglacfar go huathoibreach le mic léinn in aon Chomh-Ollscoil nó Coláiste de chuid OÉ.

Nóta: *Tá na dámha a ndéantar tagairt dóibh sa leabhrán seo, maidir le riachtanais máithreánaigh, faoi mar a luaitear i Reachtaíocht OÉ iad. Níl aon tionchar ag na hathruithe i struchtúr na ndámh i gcuid de na Comh-Ollscoileanna ar riachtanais an Mháithreánaigh*

DÁMHA/COLÁISTÍ NA GCOMH-OLLSCOILEANNA, NA GCOLÁISTÍ AITHEANTA NÓ NA GCOLÁISTÍ CEANGAILTE LEIS NA GCOMH-OLLSCOILEANNA AGUS CÚRSAÍ LENA MBAINÉANN NA RIALACHÁIN

2.1 An Coláiste Ollscoile, Baile Átha Cliath -

Coláistí: Ealaíona & Léann Ceilteach; Gnó & Dlí; Innealtóireacht & Ailtireacht; Eolaíochtaí Sláinte; Eolaíochtaí Daonna; Eolaíochtaí; Talmhaíocht, Eolaíocht an Chothaithe & an Leighis Tréidliachta.

2.2 Coláiste na hOllscoile, Corcaigh

Coláistí: Ealaíona, Léann Ceilteach & Eolaíochtaí Sóisialta; Gnó & Dlí; Leighias & Sláinte; Eolaíocht, Innealtóireachta & Eolaíocht Bhia.

2.3 Ollscoil Na hÉireann, Gaillimh

Coláistí: Ealaíona, Eolaíocht Sóisialta & Léann Ceilteach; Gnó, Beartas Poiblí & Dlí; Innealtóireacht & Faisnéisíocht; Leighias, Altranais & Eolaíochtaí Sláinte; Eolaíocht.

2.4 Ollscoil Mhá Nuad

Dámha: Ealaíona; Léann Ceilteach & Fealsúnacht; Eolaíochtaí Sóisialta; Eolaíocht & Innealtóireacht.

2.5 Coláiste Ríoga na Máinleá in Éirinn

Cúrsa fochéime sa Mhíochaine, Cógaíocht, agus Fisiteiripe, agus cúrsa iarchéime gaolmhar sna hEolaíochtaí Sláinte.

2.6 An Coláiste Náisiúnta Ealaíne is Deartha

Cúrsaí bunchéime agus iarchéime sa Mhínealaíon, Dearadh agus Oideachas Ealaíne agus Deartha.

2.7 Coláiste Ósta na Sionainne

Cúrsaí bunchéime i nDámh na Tráchtála.

2.8 An Foras Riaracháin

Cúrsaí bunchéime agus iarchéime sna hEalaíona agus i dTráchtáil.

2.9 Coláiste San Aingeal, Sligeach

Cúrsaí céime agus iarchéime sna Ranna Altranais, Eolaíochtaí Sláinte agus Staidéar Míchumais; Oideachais; agus Eacnamaíocht Bhaile.

SCRÚDUITHE AGUS ÁBHAR A NGLACTAR LEO DO CHÚISEANNA CLÁRÚCHÁIN MÁITHREÁNAIGH

Is féidir le mic léinn riachtanais chlárúcháin máithreánaigh a shásamh mar seo a leanas:

3.1 Ar thorthaí scrúdú na hArdteistiméireachta:

Glacfar le gach ábhar i Scrúdú na hArdteistiméireachta do chúiseanna Clárúcháin Máithreánaigh ach tá na heisceachtaí agus na srianta seo a leanas i bhfeidhm:

- (i) Ní ghlacfar le Gaeilge - Bonnleibhéal do chúiseanna Clárúcháin Máithreánaigh
- (ii) Glacfar le Matamaitic (Gnáthleibhéal Malartach; Bonnleibhéal) do chúiseanna Clárúcháin Máithreánaigh, ach ní mar mhalairt don ábhar Matamaitic i ndámha nó cúrsaí ina bhfuil an t-ábhar Matamaitic mar riachtanas iontrála faoi láthair

Cnuasach thorthaí Ardteistiméireachta do chúiseanna Clárúcháin Máithreánaigh

Is féidir le hiarrthóir torthaí scrúduithe Ardteistiméireachta a fuarthas i mblianta éagsúla a chnuasach do chúiseanna Clárúcháin Máithreánaigh. (Baineann an lamháltas seo le Clárúchán Máithreánaigh amháin; ní gá go mbainfeadh sé le riachtanais iontrála na gComh-Ollscoileanna, na gColáistí Aitheanta nó na gColáistí ceangailte leis na gComh-Ollscoileanna.)

Ach go háirithe, ba chóir a thabhairt faoi deara go gcaithfidh na mic léinn siúd atá ag iarraidh dul isteach sa Leigheas na bunriachtanais iontrála (Máithreánach) agus na híosriachtanais iontrála chúrsa a bhaint amach sa suí céanna den Ardteistiméireacht.

Teaglaím d'ábhair nach bhfuil ceadaithe

- Ní féidir an t-ábhar Fisic agus Ceimic a thairiscint in éineacht le Fisic nó le Ceimic.
- Ní féidir ach dhá ceann de na hábhair seo a leanas a thairiscint: Stair, Stair Eacnamaíoch (nach raibh ar fáil i ndiaidh na bliana 2005), Eacnamaíocht.
- Ní féidir Eacnamaíocht Talmhaíochta a thairiscint le hEacnamaíocht.
- Ní féidir Léann Clasaiceach a thairiscint le Laidin nó Gréigis.

N.B. Ní cáilíocht inghlactha í an Ardteistiméireacht Fheidhmeach (LCVP) do chúiseanna máithreánaigh. (Féadfar Gairmchlár na hArdteistiméireachta a chur san áireamh mar ábhar do phointí – tuilleadh eolais ar fáil ó Oifigí Iontrála na gComh-Ollscoileanna, na gColáistí Aitheanta agus na gColáistí Gaolmhara eile).

3.2 Ar thorthaí scrúduithe GCE agus GCSE

Is féidir le hiarrthóir torthaí scrúduithe GCE/GCSE a fuarthas i mblianta éagsúla a chnuasach do chúiseanna Clárúcháin Máithreánaigh. (Baineann an lamháltas seo le Clárúchán Máithreánaigh amháin; ní gá go mbainfeadh sé le riachtanais iontrála na gComh-Ollscoileanna, na gColáistí Aitheanta nó na gColáistí ceangailte leis na gComh-Ollscoileanna.)

Ach go háirithe, ba chóir a thabhairt faoi deara go gcaithfidh na mic léinn siúd atá ag iarraidh dul isteach sa Leigheas na bunriachtanais iontrála a bhaint amach sa sraith céanna des na scrúdúcháin.

Glacadh le hábhair GCE agus GCSE do chúiseanna Clárúcháin Máithreánaigh

Tá na hábhair GCSE uile inghlactha do chúiseanna máithreánaigh. Tá srianta áirithe i bhfeidhm, áfach, maidir le teaglaím d'ábhair GCE agus GCSE agus ní ghactar leis na hábhair GCE uile do chúiseanna máithreánaigh. Chun tuilleadh eolais a fháil, chomh maith le liosta na n-ábhar GCE atá inghlactha do mháithreánach, féach ar www.nui.ie/college. Moltar do mhic léinn a bhfuil sé i gceist acu ábhar a chur i láthair nach bhfuil san áireamh sa liosta dul i dteagmháil le OÉ nó le hOifig Iontrála na Comh-Ollscoile, an Choláiste Aitheanta nó an Choláiste Gaolmhar eile a bhfuil iarratas á dhéanamh acu leo.

3.3 Ar thorthaí scrúduithe eile

Tá liosta de cháilíochtaí Eorpacha agus idirnáisiúnta a nglactar leo do chúiseanna Máithreánaigh san Aguisíní. Más mian le mic léinn Clárúchán Máithreánaigh a dhéanamh ar bhonn thorthaí na scrúduithe seo ba chóir dóibh, ar an gcéad dul síos, teagmháil a dhéanamh le hOifig Iontrála na Comh-Ollscoile, Coláiste Aitheanta nó Coláiste ceangailte le Comh-Ollscoil ar mian leo dul isteach ann. Caithfidh na hábhair ina bhfuil pas faighte agus na caighdeáin a sroicheadh a bheidh faoi réir riachtanais na dáimhe mar a leagtar síos i Roinn 4 iad. Ba chóir do shealbhóirí cháilíochtaí eile nach bhfuil ar an liosta dul i dteagmháil freisin leis an Oifig Iontrála den institiúid OÉ ar mian leo dul isteach ann. Féach freisin Roinn 5.4 maidir leis an Dioplóma Idirnáisiúnta Baccalaureate agus riachtanas na Gaeilge.

Nóta: Ní féidir torthaí na scrúduithe Ardeistiméireachta agus GCE agus GCSE a chur le chéile do chúiseanna Clárúcháin Máithreánaigh, ach amháin sna cúinsí a leagtar síos i roinn 6.3.

I gcúinsí áirithe, is féidir le hiarrthóirí torthaí an Teastais Shóisearaigh le scrúduithe GCE/GCSE do chúiseanna máithreánaigh. Ba chóir d'iarthóirí atá ag iarraidh é seo a dhéanamh dul i dteagmháil le OÉ ar an gcéad dul síos.

RIACHTANAIS MÁITHREÁNAIGH DÁIMHE/CHOLÁISTE (RIACHTANAIS ÍOSTA IONTRÁLA)

Nóta: Tá na dámha a ndéantar tagairt dóibh sa leabhrán seo, maidir le riachtanaí máithreánaigh, faoi mar a luaitear i Reachtaíocht OÉ iad. Níl aon tionchar ag na hathruithe i struchtúr na ndámh i gcuid de na Comh-Ollscoileanna ar riachtanaí an Mháithreánaigh.

4.1

Dámh/Coláiste:

- **Ealaíona**
- **Eolaíochtaí Daonna**
- **Fealsúnacht**
- **Léann Ceilteach**
- **Dlí**
- **Eolaíocht Shóisialta ***
 - (i) Gaeilge
 - (ii) Béarla
 - (iii) Tríú Teanga atá inghlactha do chúiseanna Clárúcháin Mháithreánaigh
 - (iv), (v), agus (vi) Aon trí ábhar a atá inghlactha do chúiseanna Máithreánaigh nach bhfuil roghnaithe cheana
- **Tráchtáil**
 - (i) Gaeilge
 - (ii) Béarla
 - (iii) Matamaitic
 - (iv) Tríú Teanga atá inghlactha do chúiseanna Clárúcháin Máithreánaigh
 - (v) agus (vi) Aon dá ábhar atá inghlactha do chúiseanna Máithreánaigh nach bhfuil roghnaithe cheana
- **Talmhaíocht**
- **Ailtireacht (Coláiste na hOllscoile Corcaigh)**
- **Innealtóireacht**
- **Eolaíocht agus Teicneolaíocht an Bhia**
- **Altranas**
- **Eolaíocht**
 - (i) Gaeilge
 - (ii) Béarla
 - (iii) Matamaitic
 - (iv) Ábhar Eolaíochta Saotharlainne **
 - (v) agus (vi) Aon dá ábhar atá inghlactha do chúiseanna Máithreánaigh nach bhfuil roghnaithe cheana
- **Ailtireacht (An Coláiste Ollscoile, BÁC)**
- **Míochaine (lena n-áirítear Fiaclóireacht)**

• **Tréidliacht**

- (i) Gaeilge
- (ii) Béarla
- (iii) Matamaitic
- (iv) Tríú Teanga atá inghlactha do chúiseanna Clárúcháin Máithreánaigh
- (v) Ábhar Eolaíochta Saotharlainne**
- * (vi) Ábhar ar bith eile atá inghlactha do chúiseanna

Máithreánaigh nach bhfuil roghnaithe cheana

** *Baitsiléir san Eolaíocht Shóisialta, An Coláiste Ollscoile BÁC: Níl tríú teanga riachtanach agus ina háit tá sé riachtanach Matamaitic (OD3 ar a laghad) a chur isteach do chúiseanna máithreánaigh.*

Is iad seo a leanas na hábhair Eolaíochta Saotharlainne: Ceimic, Fisic, Bitheolaíocht, Fisic le Ceimic, Eolaíocht Talmhaíochta. Glacfaidh an Coláiste Ollscoile BÁC agus Ollscoil Mhá Nuad le Matamaitic Fheidhmeach in ionad ábhar Eolaíocht Saotharlainne do chúrsaí áirithe. Féach thíos.

Nótaí

- Do Mháithreánach Bunúsach ar thorthaí na hArdteistiméireachta ní mór duit sé ábhar a bheith agat. I measc na sé ábhar, do na cláir uile, ní mór Béarla agus Gaeilge a bheith san áireamh agus tá riachtanaí ábhair eile a bhaineann leis an réimse staidéir, mar seo a leanas:
 - Ailtireacht: Matamaitic (Coláiste na hOllscoile Corcaigh), Tríú Teanga agus Matamaitic (An Coláiste Ollscoile BÁC)
 - Ealaíona, Eolaíochtaí Daonna, Dlí: Tríú Teanga
 - Ealaín agus Dearadh (NCAD): Tríú Teanga nó Ealaín nó Grafaic Dhearaidh agus Chumarsáide
 - Tráchtáil: Tríú Teanga agus Matamaitic
 - Ríomheolaíocht: Matamaitic (Ollscoil Mhá Nuad, Coláiste na hOllscoile Corcaigh, An Coláiste Ollscoile BÁC), Matamaitic; agus ábhar Eolaíochta Saotharlainne nó Teicneolaíocht (OÉ Gaillimh)
 - Eacnamaíocht: Ó 2018 ar aghaidh níl bheidh an tríú teanga riachtanach don Bhaitsiléir Ealaíon san Eacnamaíocht i gCOBÁC agus beidh Matamaitic ina riachtanas nua dó (beidh riachtanas iontrála ábhair H4 i bhfeidhm)
 - Innealtóireacht: Matamaitic agus Ábhar Eolaíocht Saotharlainne (An Coláiste Ollscoile BÁC); Matamaitic agus Ábhar Eolaíocht Saotharlainne (Coláiste na hOllscoile Corcaigh; OÉ Gaillimh); Matamaitic agus Ábhar Eolaíocht Saotharlainne nó Matamaitic Fheidhmeach nó Teicneolaíocht (Ollscoil Mhá Nuad)
 - Míochaine, Fiaclóireacht agus Eolaíochtaí Sláinte, Tréidliacht: Tríú Teanga, Matamaitic agus ábhar Eolaíochta Saotharlainne
 - Altranas: Matamaitic agus ábhar Eolaíochta Saotharlainne

- Eolaíocht, Talmhaíocht, Innealtóireacht & Ailtireacht, Eolaíocht agus Teicneolaíocht an Bhia: Matamaitic agus Ábhar Eolaíocht Saotharlainne (OÉ Gaillimh, Coláiste na hOllscoile Corcaigh; Ollscoil Mhá Nuad); Matamaitic agus Ábhar Eolaíocht Saotharlainne nó Matamaitic Fheidhmeach nó Tíreolaíocht (An Coláiste Ollscoile BÁC); Matamaitic agus Ábhar Eolaíocht Saotharlainne nó Matamaitic Fheidhmeach (Ollscoil Mhá Nuad, cursaí áirithe amháin gan Eolaíochta Bitheacha agus Bithleighis ina measc)
- Eolaíocht Shóisialta: Tríú teanga (Coláiste na hOllscoile Corcaigh, OÉ Gaillimh agus Ollscoil Mhá Nuad); Baitsiléir san Eolaíocht Shóisialta sa Choláiste Ollscoile BÁC: Níl tríú teanga riachtanach agus ina háit tá sé riachtanach Matamaitic (OD3 ar a laghad) a chur isteach do chúiseanna máithreánaigh
- Saincheimeanna sa Ghnó agus sa Dlí in Ollscoil Mhá Nuad: Níl an tríú teanga riachtanach i gcás na gclár seo a leanas:
 - Baitsiléir Ealaíon san Airgeadas
 - Baitsiléir Ealaíon san Airgeadas agus Eacnamaíocht Idirnáisiúnta
 - BBS/BBA sa Ghnó Eachaí
 - Baitsiléir Dlíthe sa Dlí
 - BCL sa Dlí agus sa Chuntaíocht, BCL sa Dlí agus sa Ghnó, BCL sa Dlí agus Choireolaíocht, BCL sa Dlí agus na Dána

Altranas Tréidliachta (An Coláiste Ollscoile BÁC): Matamaitic; agus ábhar Eolaíochta Saotharlainne nó Eacnamaíocht Bhaile.

- Is féidir le mic léinn ó thíortha lasmuigh den Aontas Eorpach atá ag tairiscint torthaí ar scrúduithe seachas iad siúd de chuid an Aontais Eorpaigh dhá ábhar aitheanta a chur in áit (a) Gaeilge agus (b) an teanga seachas Béarla.
- **Moltar do mhic léinn leabhráin eolais iontrála na gComh-Ollscoileanna, na gColáistí Aitheanta nó na gColáistí ceangailte leis na gComh-Ollscoileanna a léamh do mhionsonraí maidir le riachtanais ar leith d'ábhair/cúrsaí ar leith.**

4.2 Caighdeán riachtanach

(i) Scrúdú na hArdteistiméireachta ó 2017 amach

Caithfidh iarrthóirí pas a fháil i sé ábhar ar a laghad roghnaithe de réir riachtanais an choláiste/na dáimhe, mar a leagtar síos i 4.1, le Grád H5 ar a laghad in dhá ábhar ar an Ardleibhéal agus Grád H7 (Ardleibhéal) nó O6 (Gnáthleibhéal) ar a laghad (Gnáthleibhéal nó Ardleibhéal) i gceithre ábhar.

(ii) Scrúdú na hArdteistiméireachta roimh 2017

Caithfidh iarrthóirí pas a bheith faighte acu i sé ábhar ar a laghad roghnaithe de réir riachtanais an choláiste/na dáimhe, mar a leagtar síos i 4.1, le Grád C3 ar a laghad in dhá ábhar ar an Ardleibhéal agus Grád D3 ar a laghad (Gnáthleibhéal nó Ardleibhéal) i gceithre ábhar.

Meicníocht chúiteach

Glactar le Grád E amháin in aon ábhar ar Chúrsa Ardleibhéil san Ardeistiméireacht má tá, i measc na n-ábhar eile atá ag an iarrthóir, trí Ghrád C3 ar Pháipéir Ardleibhéil nó ar a laghad Grád B3 amháin agus Grád C3 amháin ar Pháipéir Ardleibhéil san Ardeistiméireacht. (Ba chóir a thabhairt faoi deara go mbaineann an mheicníocht chúiteach seo le bun-mháithreánach amháin. Ní bhaineann sé le cúiseanna iontrála nuair atá riachtanas chúrsa ann atá níos airde ná Grád D3 ag Gnáthleibhéal san ábhar cuí. Faoi láthair, níl sé i bhfeidhm i gcás an Altranais).

Ní ghlahtar le Gairmchlár na hArdteistiméireachta (LCVP) mar ábhar do chúiseanna máithreánaigh. (Féadfar Gairmchlár na hArdteistiméireachta a chur san áireamh mar ábhar do phointí – tuilleadh eolais ar fáil ó Oifigí Iontrála na gComh-Ollscoileanna, na gColáistí Aitheanta agus na gColáistí Gaolmhara eile).

4.3 Caighdeán riachtanach do cháilíochtaí seachas an Ardeistiméireacht

(i) Scrúduithe GCE/GCSE

Caithfidh iarrthóirí pas a fháil i sé ábhar ar a laghad, faoi réirriachtanais na dáimhe mar a leagtar síos i Roinn 4.1 iad agus iad seo a leanas a fháil:

- GCE Ardleibhéal

Grád C ar a laghad in dhá ábhar aitheanta (Glactar le Grád A le Grád D nó Grád E, nó Grád B le Grád D mar chomhionann le dhá Grád C).

- GCE Leibhéal AS /GCSE Leibhéal

Leibhéal Grád C ar a laghad i gceithre ábhar aitheanta eile (Glactar le Gráid Ardleibhéil GCE A go D, E nó O mar ghrádanna Pas GCSE O Leibhéal).

(ii) Scrúduithe Eile

Caithfidh na hábhair ina bhfaightear pas agus an caighdeán a bhaintear amach a bheith faoi réir na riachtanais Dáimh/Choláiste a leagtar síos thuas. (Féach Aguisíní do liosta na gcáilíochtaí Eorpacha agus Idirnáisiúnta atá inghlactha do chúiseanna Máithreánaigh). Tá tuilleadh eolais ar na grádanna atá de dhíth chun riachtanais an Mháithreánaigh a shásamh ar fáil ó na hOifigí Iontrála. Ba chóir do shealbhoirí cháilíochtaí eile nach bhfuil ar an liosta dul i dteagmháil leis an Oifig Iontrála den institiúid OÉ ar mian leo dul isteach ann.

Féach freisin Roinn 5.4 maidir le teastais idirnáisiúnta agus riachtanas na Gaeilge.

RIACHTANAS NA GAELIGE

5.1 An bunriachtanas maidir leis an nGaeilge

Ní mór d'iarrthóirí a rugadh i bPoblacht na hÉireann (26 Contae) pas a fháil sa Ghaeilge. Tá an riachtanas seo i bhfeidhm, bíodh an Ardteistiméireacht á cur i láthair ag an iarrthóir, nó scrúdú eile do Mháithreánach. Is féidir le hiarrthóirí a bhfuil cónaí orthu i bPoblacht na hÉireann díolúine a lorg ón nGaeilge má shásaítear ceann de na coinníollacha a leagtar amach anseo thíos.

5.2 Díolúine ón nGaeilge d'iarrthóirí a rugadh lasmuigh de Phoblacht na hÉireann

Bronnfar díolúine ón nGaeilge sa ghnáthchúrsa ar na hiarrthóirí seo a leanas. Ní gá dóibh iarratas a chur faoi bhráid OÉ.

- (i) **Iarrthóirí a bhfuil cónaí orthu i dTuaisceart Éireann**
Iarrthóirí a bhfuil buanchónaí orthu i dTuaisceart Éireann agus atá ag cur cáilíochtaí GCE/GCSE i láthair do mháithreánach.
- (ii) **Iarrthóirí a rugadh lasmuigh d'Éirinn (32 Contae)** a bhfuil buanchónaí orthu lasmuigh d'Éirinn agus a bhfuil cáilíochtaí seachas an Ardteistiméireacht á gcur i láthair acu do mháithreánach.

5.3 Díolúintí eile ón nGaeilge.

- (i) **Iarrthóirí a rugadh lasmuigh de Phoblacht na hÉireann (26 contae)**
Ní mór d'iarrthóirí a rugadh lasmuigh de Phoblacht na hÉireann, nach bhfuil cuimsithe ag 5.2 (i) - (ii) thuas, agus a bhfuil an Ardteistiméireacht á cur i láthair acu do mháithreánach, Ranna A agus B den Fhoirm Iarratais ar Dhíolúine a líonadh isteach agus í seo a chur chuig OÉ le cóip dá dteastas breithe.
- (ii) **Iarrthóirí a rugadh i bPoblacht na hÉireann (26 contae)** ach,
 - a fuair bunoideachas go haois aon bhliain déag lasmuigh de Phoblacht na hÉireann (26 contae); nó
 - a chónaigh lasmuigh de Phoblacht na hÉireann (26 contae) ar feadh trí bliana ar a laghad dá n-iarbhunoideachas; nó
 - a chaith, le linn a gcuid oideachais bunscoile agus iarbhunscoile le chéile, trí bliana ar a laghad as a chéile lasmuigh de Phoblacht na hÉireann (26 contae).

I ngach cás díobh seo, caithfidh iarrthóirí Roinn A den Fhoirm Iarratais ar Dhíolúine a líonadh isteach, Roinn C den Fhoirm a fháil sínithe ag Príomhoide/Ceann na Scoile agus an fhoirm chomhlánaithe a chur chuig OÉ.

(iii) Iarrthóirí ag tairiscint Teastais Díolúine ón nGaeilge ar bhonn mhíchumas foghlama ag cur isteach ar bunscileanna teanga sa teanga dhúchais (Leasú na Roinne Oideachais ar Riail 46 ‘Rialacha agus Cláracha do Mheánscoileanna’ maidir le díolúine ón nGaeilge (Ciorclán M10/94 – 1(c)(i));

Caithfidh aon iarrthóir, a fhaigheann díolúine ón nGaeilge ar an mbonn seo ar scoil agus atá le háit a lorg i gComh-Ollscoil, i gColáiste Aitheanta nó i gColáiste ceangailte le gComh-Ollscoil, na nithe seo a leanas a sheoladh chuig OÉ:

- Foirm Iarratais ar Dhíolúine chomhlánaithe (líon isteach Roinn A agus faigh Roinn D líonta agus sínithe ag Príomhoide/Ceann do scoile) chomh maith le
- cóip de Theastas Díolúine na Roinne Oideachais agus Scileanna, sínithe ag Príomhoide/Ceann na Scoile inar eisíodh an teastas agus
- tuairisc chuí an tsiceolaithe gairme

Déanfar iarratais ar dhíolúine ón nGaeilge a mheas ó na hiarrthóirí seo a leanas freisin:

(iv) Iarrthóirí nach bhfuil Teastas Díolúine ón Roinn Oideachais agus Scileanna faighte acu (féach (iii) thuas) ach a bhfuil dearbhú acu ó síceolaí gairme ina leith go bhfuil Sain-Mhíchumas Foghlama orthu a théann i gcion ar bhunscileanna teanga sa mháthairtheanga (.i. riocht disléicse atá ina chúis le díolúine).

Caithfidh iarrthóirí sa staid seo na nithe seo a leanas a sheoladh chuig OÉ:

- Foirm Iarratais ar Dhíolúine chomhlánaithe (líon isteach Roinn A agus faigh Roinn E líonta agus sínithe ag Príomhoide/Ceann do scoile) chomh maith le
- Foirm Dhearbhuithe sínithe ag síceolaí gairme (ar fáil ó OÉ) agus
- tuairisc an tsiceolaithe.

Ba chóir a thabhairt faoi deara nár chóir do thuairiscí síceolaithe ag dearbhú míchumais foghlama a bheith níos sine ná trí bliana d’aois .i. nuair a dhéanann iarrthóirí iarratas le linne na bliana acadúla 2016/2017, níor chóir go mbeadh dáta níos luaithe ná 1 Meán Fómhair, 2014 ar na tuairiscí. Féach freisin ar an nóta ag 6.2.

Bronnfar díolúine ó riachtanas na Tríú Teanga freisin ar iarrthóirí a mbronntar díolúine ón nGaeilge orthu faoi réir (iii) nó (iv) thuas.

Nuair atá sé i gceist ag an iarrthóir teanga eile (seachas an Béarla) a chur ar aghaidh mar ábhar Ardteistiméireachta, ní mór an bunús atá leis an teanga eile a chur ar aghaidh, agus díolúine á lorg ón nGaeilge ar bhonn míchumais foghlama a théann i gcion ar scileanna teanga, a leagan amach go soiléir in éineacht leis an iarratas ar dhíolúine.

5.4 Ba chóir na pointí seo a leanas a mheabhrú:

- Déantar iarratais ar dhíolúintí a mheas ar bhonn aonair a mheas ar bhonn aonair agus is féidir iad a chur faoi bhráid na hOllscoile ag am ar bith i ndiaidh an Teastas Sóisearach a chríochnú
- Tá Foirmeacha Iarratais ar Dhíolúine agus Foirmeacha Dearbhaithe (féach (iv) thuas) ar fáil ó Ollscoil na hÉireann, 49 Cearnóg Mhuirfean, Baile Átha Cliath 2 (fón. 01 4392424), nó is féidir iad a íoslódáil ó www.nui.ie/college
- Is féidir le hiarrthóirí a bhfuil díolúine ón nGaeilge acu a thairiscint, mar séú ábhar, aon ábhar eile atá inghlactha do chúiseanna Clárúcháin Máithreánaigh.
- Ní hionann na critéirí chun díolúine a bhronnadh ó riachtanais Gaeilge agus/nó Tríú Teanga OÉ agus iad siúd atá ann don Bhealach Rochtana Míchumais ar an Oideachas (DARE). Mar sin, ní chiallaíonn bronnadh díolúine OÉ go bhfuil mac léinn inchailithe uaidh féin faoi DARE
- Ní chiallaíonn iarratas ar dhíolúine teanga OÉ go bhfuil iarratas déanta ar DARE; ní mór iarratas ar DARE a dhéanamh tríd an Lár-Oifig Iontrála (CAO)
- Is féidir le hiarrthóirí a rugadh lasmuigh de Phoblacht na hÉireann (26 contae), nó atá cáilithe faoi 5.3 (ii) thuas, agus a bhfuil díolúine ón nGaeilge bronnata orthu, an Ghaeilge a thairiscint mar ábhar don Máithreánach mar sin féin, mar shásamh ar an riachtanas go gcaithfear teanga nach í an teanga Béarla a thairiscint. (Baineann an fhoráil seo le mic léinn ó Thuaisceart Éireann, agus le mic léinn eile ó lasmuigh d'Éirinn a thairgeann Gaeilge mar ábhar Ardeistiméireachta, GCE nó GCSE.)

Tá sé riachtanach d'íarrthóirí a bhfuil sé i gceist acu an Ghaeilge a úsáid don chúis seo dul i dteagmháil le OÉ sa chaoi is gur féidir a stádas, maidir le riachtanais teanga a chomhlíonadh, a chlárú.

- Sásóidh iarrthóirí a thairgeann teastas seachas an Teastas Ardeistiméireachta do mhaithreánach, mar shampla an Diplóma Idirnáisiúnta nó Baccalauréat na Fraince, agus a fuair bunoidéachas agus iarbunoidéachas i bPoblacht na hÉireann (26 contae), riachtanas na Gaeilge tré phas a thairiscint sa Ghaeilge san Ardeistiméireacht nó tré Leibhéal B1 i dTeastas Eorpach na Gaeilge.
- Tá eolas ar mháithreánach do mhic léinn lagéisteacha ar fáil i Roinn 8.

RIACHTANAS NA TRÍÚ TEANGA

6.1 An Tríú Teanga

Leagann Roinn 4.1 ná Dáimh/Coláistí ina bhfuil gá le Tríú Teanga, chomh maith le Gaeilge agus Béarla, don mháithreánach. Tá na teangacha uile atá ar fáil don Ardteistiméireacht agus teangacha uile an AE inghlactha chuige seo. Féach freisin 6.3.

- (i) D'iontráil i gColáistí/nDáimh na hInnealtóireachta agus na hEolaíochtaí, is féidir aon ábhar eile atá inghlactha do chúiseanna Clárúcháin Máithreánaigh a chur in áit na Tríú Teanga
- (ii) Is féidir le mic léinn ag dul isteach i gcúrsaí san Altranas aon ábhar aitheanta eile a chur in áit na Tríú Teanga;
- (iii) Is féidir le mic léinn ag dul isteach sa Choláiste Náisiúnta Ealaíne is Deartha a t-ábhar Ealaín nó Grafaic Dhearaidh agus Chumarsaíde a thairiscint in áit na Tríú Teanga.
- (iv) Is féidir le mic léinn ó thíortha lasmuigh den Aontas Eorpach atá ag tairiscint torthaí scrúduithe, nach scrúduithe de chuid thíortha an Aontais Eorpaigh iad, aon ábhar aitheanta eile a thairiscint mar mhalairt ar an Tríú Teanga (Féach Roinn 5.4)
- (v) Is féidir le mic léinn a rugadh nó ar cuireadh oideachas orthu lasmuigh d'Éirinn an Ghaeilge a thairiscint mar ábhar Máithreánaigh chun riachtanas na Tríú Teanga a chomhlíonadh. (Féach Roinn 5.4). Baineann an fhoráil seo le mic léinn ó Thuaisceart Éireann, agus freisin do mhic léinn eile a rugadh nó ar cuireadh oideachas orthu lasmuigh d'Éirinn agus a thairgeann Gaeilge mar ábhar Ardteistiméireachta, GCE nó GCSE
- (vi) Mic léinn faoi lagú éisteachta (Féach Roinn 8).

6.2 Mic léinn i Ríochtaí Disléicse

Tá OÉ sásta measúnú a dhéanamh ar iarratais a lorgaíonn díolúine ó Riachtanas na Tríú Teanga ó mhic léinn a bhfuil dearbhú ó síceolaí gairme acu ina leith go bhfuil Sain-Mhíchumas Foghlama orthu a théann i gcion ar bunscileanna teanga sa mháthairtheanga (.i. riocht tromchúiseach disléicse atá ina chúis le díolúine). Déantar iarratais dá leithéid a mheas ar bhonn aonair agus is féidir iad a chur faoi bhráid na hOllscoile am ar bith tar éis an Teastas Sóisearach a chríochnú.

Caithfidh iarrthóirí sa staid seo na nithe seo a leanas a sheoladh chuig OÉ:

- Foirm Iarratais ar Dhíolúine chomhlánaithe (líon isteach Roinn A agus faigh Roinn E líonta agus sínithe ag Príomhoide/Ceann do scoile) chomh maith le
- Foirm Dhearbhuith OÉ sínithe ag síceolaí gairme agus

- tuairisc an tsiceolaithe.

Tá Foirmeacha Iarratais ar Dhíolúine agus Foirmeacha Dearbhaithe OÉ ar fáil ó Ollscoil na hÉireann, 49 Cearnóg Mhuirfean, Baile Átha Cliath 2 (fón. 01 4392424), nó is féidir iad a íoslódáil ó www.nui.ie/college. Ba chóir a thabhairt faoi deara nár chóir do thuairiscí siceolaithe ag dearbhú míchumais foghlama a bheith níos sine ná trí bliana d'aois .i. nuair a dhéanann iarrthóirí iarratas le linne na bliana acadúla 2016/2017, níor chóir go mbeadh dáta níos luaithe ná 1 Meán Fómhair, 2014 ar na tuairiscí. Féach freisin 5.3 (iii) agus (iv) thuas maidir leis an nGaeilge. Bronnfar díolúine ó riachtanas na Tríú Teanga freisin ar iarrthóirí a mbronntar díolúine ón nGaeilge orthu faoi réir na bhforálacha seo.

Nota: Chuaigh an Cumann um Rochtain Ardoideachais agus Míchumais (AHEAD) i bhfeidhm ar OÉ agus an sainmhíniú seo thíos ar dhisléicse á ghlacadh:

Tá an disléicse ar cheann de mhíchumais foghlama éagsúla. Is easláinte ar leith teanga-bhunaithe é le bunús coimpléascach agus is iad na saintréithe atá aige ná deacrachtaí le focail aonair a dhíchódú, de ghnáth mar thoradh ar easpa sa phróiseáil fhóneolaíoch. Go minic ní bhítear ag súil leis na deacrachtaí seo le focail aonair a dhíchódú i gcomhthéacs aoise agus cumais eile cognaíocha; ní tharlaíonn siad mar thoradh ar mhíchumas ginearálta forbartha nó lagú aireachtála. Léirítear disléicse le deacrachtaí athraitheacha maidir le foirmeacha éagsúla teanga, agus go minic, i dteannta le fadhbanna léitheoireachta, bíonn fadhb shuntasach le cumas a bhaint amach i scríobh agus litríú.

Go hiondúil bíonn tionchar ag teoracha de chuid an Roinn Oideachais agus Eolaíochta do Dhíolúine na Gaeilge agus Socruithe Réasúnacha Scrúduithe Choimisiún na Scrúduithe Stáit ar chinntí OÉ díolúine ó riachtanais na Gaeilge/na Tríú Teanga a bhronnadh:

- Gnóthachtáil litearthachta ar nó faoi bhun an 10ú peircintíl/ SS 81, neamhréir shuntasach le cumas ginearálta; dhá chumas litearthachta buailte. Fianaise d'easnamh cuimhne fheidmiúil agus luas próiseála.
- Leibhéal deacrachta suntasach ag an mac léinn, stráitéisí cúiteacha ach ar éigean acu. Ní léir don mhac léinn láidreachtaí agus laigí agus tá sé/sí ag streachailt go mór ceart a bhaint den obair.
- Mórthionchar ar chumas dul chun cinn a dhéanamh. D'fhéadfaí sainteagasc a bheith faighte ag an mac léinn nó gan é a bheith faighte ach ní mór an éifeacht a bhí aige air/uirthi. Ní léiríonn obair scríofa an mhic léinn cumas cognaíoch bunaidh go suntasach.

Ba chóir go mbeadh a fhios ag mic léinn nach hionann na critéirí chun díolúine a bhronnadh ó riachtanais na Tríú Teanga OÉ agus iad siúd atá ann don Bhealach Rochtana Míchumais ar an Oideachas (DARE). Ní chiallaíonn bronnadh díolúine OÉ go bhfuil mac léinn inchailithe uaidh féin faoi DARE. Ní mór iarratas ar DARE a dhéanamh tríd an Lár-Oifig Iontrála (CAO).

6.3 Mic léinn ó lasmuigh den Aontas Eorpach ag tairiscint na hArdteistiméireachta

Tá na socruithe speisialta seo a leanas i bhfeidhm maidir le mic léinn ó thíortha lasmuigh den Aontas Eorpach nach é an Béarla a gcéad teanga agus a thairgeann an Ardteistiméireacht do chúiseanna Máithreánaigh. Go ginearálta, beidh ar iarrthóirí dá leithéid teanga eile seachas an Béarla a thairiscint don Mháithreánach. Is féidir le hiarrthóirí sa chás seo teanga san Ardteistiméireacht nó deimhniú roghnach i dteanga, atá inghlactha don Ollscoil. Mar shampla, glactar le scrúduithe i dteangacha, nach teangacha de chuid an Aontais Eorpaigh iad, atá ar fáil ag leibhéil GCE/GCSE mar shásamh ar an riachtanas teanga seo. Sna cúinsí seo, tá cead ag iarrthóirí torthaí na hArdteistiméireachta a mheasc le toradh na teanga sa GCE/GCSE. I gcás scrúduithe eile seachas GCE/GCSE, déanann an Ollscoil iarratais a mheas ar bhonn aonair.

Bá chóir a mheabhrú i ngach cás go gcaithfidh mic léinn sé ábhar Ardteistiméireachta a thairiscint.

RIACHTANAS AN BHÉARLA ÁIT NACH É AN BÉARLA AN CHÉAD TEANGA

Ní mór d'iarthóirí uile riachtanas an Bhéarla a shásamh. Is féidir le hiarthóirí nach é an Béarla an chéad teanga acu agus a bhfuil cáilíochtaí seachas an Ardteistiméireacht á gcur i láthair acu, an riachtanas a shásamh trí cheann ar bith díobh seo a leanas:

7.1 Teastas OÉ in Staidéar sa Teanga Béarla

(á bhronnadh faoi láthair ag Coláiste Ósta na Sionna).

7.2 Béarla san Ardteistiméireacht

Béarla ag Grád D gnáthleibhéal nó níos airde.

7.3 Ollscoil Bhaile Átha Cliath (Coláiste na Tríonóide)

Cumadóireacht Bhéarla (ní Litríocht an Bhéarla) ag Leibhéal Pas nó níos airde.

7.4 Boird/Eagrais Scrúdúcháin Ríocht Aontaithe

- Teanga Béarla GCE O Leibhéal ag Grád C nó níos airde
- Teanga Béarla GCSE ag Grád C nó níos airde
- Litríocht an Bhéarla GCSE ag Grád C nó níos airde
- CSE Grád 1 Pas sa Bhéarla

An caighdeán seo a leanas i scrúduithe sa Teanga Béarla tugtha ag Boird Scrúdúcháin áirithe – ceann ar bith de:

- Assessments and Qualifications Alliance (AQA) C nó níos airde
- Oxford, Cambridge and RSA Examinations (OCR) C nó níos airde
- Edexcel Foundation C nó níos airde
- University of Cambridge Advanced Certificate, Grád B nó níos airde (CEFR Leibhéal C1 nó C2)
- University of Cambridge Proficiency Certificate, Grád C nó níos airde (CEFR Leibhéal C1 nó C2)
- International English Language Testing System (IELTS) Patrúin Tástála A agus B, le meánscore de 6.5 thar na codanna ar fad, le 6.0 ar a laghad i ngach banda
- University of Cambridge Local Examination Syndicate (UCLES) le Béarla ag Grád C nó níos airde [English as a Foreign Language (Higher Paper) an Oxford Examining Body san áireamh]

De ghnáth, glactar leis go ndéanfaidh iarthóirí, a bhfuil Ardteistiméireacht na hÉireann á cur i láthair acu, an Béarla mar chuid dá gclár scrúduithe. Ba chóir d'iarthóirí nach é an Béarla an chéad teanga acu, agus atá ag iarraidh rogha cruthúnaís ar an mBéarla a úsáid, dul i dteagmháil leis an Oifig Iontrála chúí.

7.5 Scrúdú an Mháithreánaigh i dTíortha AE

Scrúduithe Máithreánaigh ó thíortha de chuid an Aontais Eorpaigh áit a thairgtear Béarla mar ábhar agus baintear amach leibhéal inghlactha. Nuair a chuirtear triail inniúlachta sa Bhéarla, atá scóráilte ar an gComhchreat Tagartha Eorpach (CEFR), i láthair mar chuid de cháilíocht fágála scoile, ní mór grád C1 nó C2 a bheith ann.

7.6 Norwegian Certificate of Upper Secondary Education

Scór de 4 nó níos airde sa Bhéarla sa Chéad Chuid.

7.7 Hong Kong Education Examination Authorities

- Hong Kong Certificate of Education, English Language Syllabus B: Grád C nó níos fearr.
- Hong Kong Examination Authority, Advanced Level Use of English: Grád C nó níos fearr.

7.8 Sri Lankan National Certificate in English:

Leibhéal Pas nó níos fearr

7.9 Scrúduithe eile i dteanga an Bhéarla

(i) *Test of English as a Foreign Language (TOEFL)*

Scór iosta de 600 (250 do thrialacha bunaithe ar ríomhair, 90 do thrialacha bunaithe ar an idirlíon) sa Test of English as a Foreign Language (TOEFL) á riar ag Ollscoil Princeton, le tástáil Béarla scríofa ag 475+.

(ii) *Pearson VUE – Pearson Test of English (Academic) – PTE Academic*

Scór iomlán de 63 gan aon chuid faoi 59 an riachtanas is lú. (Ní ghlachann Coláiste na hOllscoile Corcaigh leis seo faoi láthair).

(iii) *English Test for Academic and Professional Purposes (ETAPP)*

Grád C1 nó níos airde (CEFR Leibhéal C1 nó C2)

Ba chóir a mheabhrú gurb iad seo na riachtanais iosta sa Bhéarla agus gur féidir go mbeadh riachtanais níos airde leagtha síos ag Dámha/Coláistí.

MÁITHREÁNACH D'IARRTHÓIRÍ FAOI LAGÚ ÉISTEACHTA

Is féidir le mic léinn a dtugann údarás cuí gairmiúil deimhniú don Ollscoil ina leith go bhfuil lagú tromchúiseach éisteachta orthu máithreánach a bhaint amach i sé ábhar mar seo a leanas:

- Gaeilge nó Béarla
- Aon chúig ábhar eile atá inghlactha do chúiseanna Clárúcháin Máithreánaigh ar an gcoinníoll go sásaítear riachtanais dáimhe seachas sin.

MÁITHREÁNACH AR BHLIANTA AIBÍ

Is féidir le mic léinn aibí (i.e. mic léinn atá 23 bliain d'aois ar an 1 Eanáir sa bhliain féilire iontrála) máithreánach a fháil ón Ollscoil ar mholadh Chomhairle Acadúil de Chomh-Ollscoil, Coláiste Aitheanta nó Coláiste ceangailte le Comh-Ollscoil chun dul isteach ar chúrsa staidéir, sa Chomh-Ollscoil, Coláiste Aitheanta nó Coláiste ceangailte le Comh-Ollscoil sin, a bhfuil céim de chuid na hollscoile mar thoradh air. I gcás chúrsaí páirtaimseartha, is féidir máithreánach a thabhairt do mhic léinn 21 bliain d'aois. Moltar do mhic léinn na leabhráin eolais cuí de chuid na Comh-Ollscoile, Coláiste Aitheanta nó Coláiste ceangailte le Comh-Ollscoil a léamh do bheis eolais a bhaineann le Clárúchán Máithreánaigh ar bhonn na mblianta aibí.

MÁITHREÁNACH AR CHRÍOCHNÚ CHÚRSA ROCHTANA OÉ

Ar mholadh ó Uachtarán Chomh-Ollscoile, Coláiste Aitheanta nó Coláiste ceangailte le Comh-Ollscoil, is féidir leis an Ollscoil máithreánach a thabhairt do mhic léinn a chríochnaigh go sásúil Cúrsa Rochtana Faofa i gComh-Ollscoil, Coláiste Aitheanta nó Coláiste ceangailte le Comh-Ollscoil, nó a théann isteach san Ollscoil tré Chlár Faofa Rochtana/Boinn. Moltar do mhic léinn dul i gcomhairle leis an gComh-Ollscoil, Coláiste Aitheanta nó Coláiste ceangailte le Comh-Ollscoil chuí do thuilleadh eolais maidir le Clárúchán Máithreánaigh ar chríochnú sásúil de Chúrsa Rochtana Faofa nó Clár Faofa Rochtana/Boinn.

MÁITHREÁNACH DO SHEALBHÓIRÍ CHÁILÍOCHTAÍ DHEARBHÚ CÁILÍOCHTA AGUS CÁILÍOCHTAÍ ÉIREANN (QQI)

- (i) Tabharfar Máithreánach do shealbhóirí cháilíochtaí ag leibhéal 6 agus níos airde den Chreatlach Náisiúnta de Cháilíochtaí bronnata ag HETAC nó cáilíochtaí inchurtha NCEA.
- (ii) Tabharfar Máithreánach do shealbhóirí dhámhachtainí FETAC (NCVA) Leibhéal 5 nó Leibhéal 6 le Gradaim i gcúig mhodúil, d'iontráil do chúrsaí céime i réimsí gaolmhara.
(Ba chóir do mhic léinn ar mian leo Clárúchán Máithreánaigh a chur i gcrích bunaithe ar thorthaí na ndámhachtainí FETAC (NCVA) Leibhéal 5 nó Leibhéal 6 teagmháil a dhéanamh, ar an gcéad dul síos, le hOifig Iontrála na Comh-Ollscoile, Coláiste Aitheanta nó Coláiste ceangailte le Comh-Ollscoil ar mian leo dul isteach ann.)

EOLAS DON LÁR-OIFIG IONTRÁLA (CAO)

Cuirfidh OÉ an Lár-Oifig Iontrála ar an eolas maidir le díolúintí a thugann an Ollscoil do chúiseanna Clárúcháin Máithreánaigh. Mar sin féin, cé go bhfuil OÉ sásta cuidiú le mic léinn tré eolas a thabhairt don CAO ar dhíolúintí atá tugtha, tá sé de fhreagracht ar mhic léinn a chinntiú go bhfuil an t-eolas seo taifeadta i gceart ar an Ráiteas ar Thaifead Iarratais a fhaigheann mic léinn ón CAO ag deireadh mhí Bealtaine (nó an Ráiteas leasaithe, nuair atá an díolúine tugtha ag OÉ tar éis don CAO an ráiteas tosaigh a eisiúint). I gcás díolúintí tugtha d'iarthóirí ag an Ollscoil sula mbíonn uimhreacha CAO ar fáil, tá iachall ar iarthóirí an Ollscoil a chur ar an eolas faoina n-uimhreacha CAO nuair atá siad ar eolas acu.

Nóta: Cé go nglacfaidh OÉ le hiarratais ar dhíolúintí ag am ar bith, moltar d'iarthóirí iarratas a dhéanamh go luath. Ba chóir go mbeadh a fhios ag mic léinn má dhéanann said iarratas ar dhíolúintí i ndiaidh an 31 Iúil i mbliain ar bith, go mb'fhéidir go mbeidh sé seo ró-dhéanach chun iad a dhéanamh incháilithe ar thairiscint CAO sa bhliain sin.

AGUISÍN 1 /APPENDIX 1

Cáilíochtaí Eorpacha agus Idirnáisiúnta a ghactar don Máithreánach;

AGUISÍN 2 /APPENDIX 2

Eolas ar riachtanais Mháithreacháin OÉ do sealbhóirí cáilíochtaí an Aontais Eorpaigh agus an Dioplóma idirnáisiúnta:

(Féach leathanaigh 26 agus 28 den leagan Béarla)